

MAJLIS TAFUQUH FIDDIN 2017

29 JULAI 2017, 7.30 PETANG – 11 .00 MALAM

MASJID PUTRA, PUTRAJAYA

Majlis Zikir Perdana sedunia sudah dua kali diadakan berfungsi menyemarakkan kecintaan kepada Allah dan Nabi Muhammad s.a.w. Majlis ini merupakan majlis terbesar menghimpunkan umat islam di Malaysia untuk berzikir kepada Allah dimana perhimpunan ini diadakan didalam masjid. Tujuan ia diadakan di Putrajaya adalah sebagai simbolik posisi hati sebagai pusat mengingati Allah bagi anggota badan. Begitu jugalah posisi Putrajaya sebagai pusat pentadbiran Malaysia. Semoga apabila rahmat Allah turun di pusat pentadbiran, ianya akan melimpah ke anggota pentadbiran yang lain sehingga Malaysia dapat menjadi negara contoh dalam mengamalkan peradaban islam dan spiritual islam.

Pertubuhan Tarekat Muktabar Malaysia mengubah Majlis Zikir Perdana kepada satu perayaan yang boleh mencetuskan kebangkitan peradaban islam. Perayaan ini diberi nama Haflah Zikir Perdana Sedunia (HZPS) yang iasyaAllah akan diadakan sebagai perayaan tahunan. Haflah Zikir Perdana Sedunia pada tahun ini mempunyai beberapa komponen. Diantara komponen yang berada dibawah HZPS ialah Persidangan Ulama Antarabangsa 2017, Simposium Trekat Tasawuf Nusantara 2017, Majlis Tafaquh Fiddin (*yang sedang kami perkenalkan didalam artikel ini*), World Sama' Fest, Pertandingan Marhaban Piala YAB Dato' Seri Dr Ahmad Zahid Hamidi, Asnaf Foodtruck dan Haflah Zikir Perdana sebagai kemuncaknya. Majlis Tafaquh Fiddin yang akan diadakan sebagai antara komponennya berfungsi memberi kefahaman mengimbangkan intelektual(IQ), emosi(EQ) dan spiritual(SQ).

Sejarah Majlis Tafaquh Fiddin secara umumnya ialah majlis yang disebutkan sebagai majlis yang bersanad semenjak zaman Rasulullah s.a.w. dimana ianya diwarisi oleh para ulama yang telah mengambil ilmu mereka dari guru-guru yang tidak terputus sanad manhaj keilmuan dan akhlakunya, sehingga ia berhasil menjamin pengisian ilmu agama yang disampaikan itu, tidak akan menjerumuskan kepada fahaman yang sesat dan ekstrimis. Ini adalah manhaj yang diwarisi zaman berzaman dan dibawa oleh para sahabat sehingga ke hari ini. Majlis seumpama inilah, majlis yang menjamin terpeliharanya budaya ilmu dan budaya berjemaah sesama islam.

Majlis Tafaqquh Fiddin juga berfungsi memberi pencerahan kepada masyarakat hari ini yang berhadapan cabaran-cabaran. Dewasa ini kita diserang dengan bermacam-macam ideologi yang menggugat kefahaman dan peradaban islam. Bertitik tolak dari kepincangan pemikiran ini, satu usaha diadakan bagi mengukuhkan benteng masyarakat dari terjerumus dalam kefahaman yang sesat. Antara usaha yang boleh diadakan adalah Majlis Tafaqquh Fiddin.

Majlis Tafaqquh Fiddin akan berlansung pada 29 Julai 2017 di Masjid Putra, Putrajaya kira-kira jam 7.30 malam dan berakhir pada jam 11.00 malam. Antara ulama jemputan yang akan hadir ialah Habib Kazim As- Saggaf, Syeikh Afeefuddin Al-Jailaini, Syeikh Nuruddin Al-Banjari, Habib Ali Al-Hamid dan Syeikh Faisal Canada. Tausiyah dan ceramah akan berkisar sekitar tajuk “Ihsan Asas Wasatiyah”.



PERTAMA